

Bosna i Hercegovina
Federacija Bosne i Hercegovine
Bosansko-podrinjski kanton Goražde
MINISTARSTVO ZA PRIVREDU



P R O G R A M

utroška sredstava

Ministarstva za privredu Bosansko-podrinjskog kantona Goražde
sa ekonomskog koda 614100 RAZ 002
„Tekući transferi drugim nivoima vlasti za razvoj turizma“

Goražde, juni 2017.godine

Na osnovu člana 46. Zakona o izvršenju Budžeta Bosansko-podrinjskog kantona Goražde za 2017. godinu (“Službene novine Bosansko-podrinjskog kantona Goražde”, broj:4/17) i odredaba Zakona o ministarstvima i drugim tijelima Kantonalne uprave Bosansko – podrinjskog kantona Goražde (“Službene novine Bosansko-podrinjskog kantona Goražde “, br.9/13 i 13/13), te u skladu sa poglavljem III –Strateška platforma tačka 3. stav 7. Strategije razvoja Bosansko-podrinjskog kantona Goražde za period 2016-2020.godine (“Službene novine Bosansko-podrinjskog kantona Goražde“ broj:.4/16) i u skladu sa Strategijom razvoja turizma Bosansko-podrinjskog kantona Goražde 2016-2020.godine (“Službene novine Bosansko-podrinjskog kantona Goražde“ broj:15/16), Ministarstvo za privredu Bosansko-podrinjskog kantona Goražde,
d o n o s i:

P R O G R A M

utroška sredstava Ministarstva zaprivredu Bosansko-podrinjskog kantona Goražde sa ekonomskog koda 614100 „Tekući transferi drugim nivoima vlasti za razvoj turizma“

1. NAZIV PROGRAMA

Naziv Programa je: ”Program razvoja turizma u Bosansko-podrinjskom kantonu Goražde za 2017. godinu”.

PODACI O PROGRAMU

Period realizacije Programa:	01.01.-31.12.2017.godine
Budžetska pozicija:	“Tekući transferi drugim nivoima vlasti za razvoj turizma”
Ekonomski kod:	614100 RAZ 002
Ukupna vrijednost Programa:	80.000,00 KM
Odgovorna osoba:	Anes Salman
Pozicija odgovorne osobe:	Ministar
Kontakt osoba za Program:	Almas Pita
Kontakt telefon:	038-224-264
Kontakt e-mail:	mpbk-privredaipoduzetnistvo@hotmail.com

SAGLASNOST NA PROGRAM

Saglasnost na ovaj Program, u skladu sa članom 46.Zakona o izvršenju Budžeta Bosansko-podrinjskog kantona Goražde za 2017.godinu (“Službene novine Bosansko-podrinjskog kantona Goražde”, broj:4/17), je dala Vlada Bosansko-podrinjskog kantona Goražde, Odlukom broj:03-14-1922/17 od 01.12.2017.godine.

2. SVRHA I OPIS PROGRAMA

2.1 Svrha Programa

Na osnovu Zakona o ministarstvima i drugim tijelima kantonalne uprave Bosansko-podrinjskog kantona Goražde (Službene novine Bosansko-podrinjskog kantona Goražde broj: 9/13 i 13/13), nadležnosti Ministarstva za privredu Bosansko-podrinjskog kantona Goražde su predlaganje i provođenje politike u oblasti industrije, poduzimanje mjera za unaprjeđenje proizvodnje, upravljanje prirodnim bogatstvima, razvoj poljoprivrede, upravljanje poljoprivrednim zemljištem, uzgoj, zaštita i unaprjeđenje šuma, šumske komunikacije i eksploatacija šuma, industrijske vode, vodoprivredne aktivnosti, korištenje voda u energetske i rekreacijske svrhe, upotreba i zaštita voda, ulaganja u privredna preduzeća, promet roba i usluga, učešće u kreiranju politike uvoza i izvoza, kontrola cijena proizvoda i usluga, zaključivanje ekonomskih sporazuma, kreiranje i implementacija politike kantonalnog turizma, razvoj turističkih resursa, razvoj rekreativnih, rehabilitacijskih i drugih centara, promocija turizma, ugostiteljstvo, poduzetništvo, provođenje politike razvoja komunikacija i transportne infrastrukture, razvoj javnog prometa, izgradnja, obnova i održavanje saobraćajnica od značaja za kanton, modernizacija cestovnog prometa i osiguranje komunikacijskih veza na području Bosansko-podrinjskog kantona Goražde.

„Program razvoja turizma u Bosansko-podrinjskom kantonu Goražde za 2017.godinu“ usklađen je sa Zakonom o izvršenju Budžeta Bosansko-podrinjskog kantona Goražde za 2017. godinu („Službene novine Bosansko-podrinjskog kantona Goražde”, broj:4/17), Programom rada Vlade Bosansko-podrinjskog kantona Goražde za 2017. godinu („Službene novine Bosansko-podrinjskog kantona Goražde”, broj:5/17), Strategijom razvoja Bosansko-podrinjskog kantona Goražde za period 2016-2020.godine, poglavljem III –Strateška platforma, tačka 3. stav 7 („Službene novine Bosansko-podrinjskog kantona Goražde”, broj:4/16) i Strategijom razvoja turizma Bosansko-podrinjskog kantona Goražde 2016-2020.godine („Službene novine Bosansko-podrinjskog kantona Goražde“, broj:15/16).

Svrha Programa je da u skladu sa članom 46. Zakona o izvršenju Budžeta Bosansko-podrinjskog kantona Goražde za 2017.godinu osigura planski i transparentan utrošak sredstava odobrenih na ekonomskom kodu 614100 RAZ 002 - Tekući transferi drugim nivoima vlasti za razvoj turizma.

2.2 Opis Programa

Program utroška je provedbeni akt Ministarstva za privredu Bosansko-podrinjskog kantona Goražde koji osigurava da se planirana sredstva u budžetu Ministarstva za privredu Bosansko-podrinjskog kantona Goražde koriste na transparentan, specifičan, mjerljiv način u

vremenski određenom periodu sa namjerom/svrhom da se omogući povećanje privredne aktivnosti u sektoru turizma i poboljšanje ukupne kvalitete života na prostoru Bosansko-podrinjskog kantona Goražde.

Programom će se obezbijediti finansijska podrška jedinicama lokalne samouprave u sastavu Bosansko-podrinjskog kantona Goražde za izradu prostorno planske dokumentacije turističkih zona.

Programom će se obezbijediti sufinansiranje projekata privrednih društava registrovanih za turističku i ugostiteljsku djelatnost i projekata Udruženja koja se u skladu sa svojim Statutom bave turizmom, a vezano za projekte koji se odnose na razvoj i proširenje turističke ponude aktiviranjem turističkih resursa i potencijala i uvrštavanje istih u turističku ponudu Bosansko-podrinjskog kantona Goražde.

Program utroška je ključni provedbeni dokument za ostvarivanje ciljeva Vlade kantona u sektoru turizma za 2017.godinu.

Program utroška sredstava sa ekonomskog koda 614100 RAZ 002- Tekući transferi drugim nivoima vlasti za razvoj turizma Ministarstva za privredu Bosansko-podrinjskog kantona Goražde za 2017. godinu (u daljem tekstu Program), definiše bitne elemente za dobijanje saglasnosti za Program od strane Vlade Bosansko-podrinjskog kantona Goražde, kao što su opći i posebni ciljevi Programa, kriteriji za raspodjelu sredstava, potrebna sredstva, korisnici sredstava, procjena rezultata, te procjena nepredviđenih rashoda i izdataka.

Bosansko-podrinjski kanton Goražde već duži niz godina stagnira po pitanju poboljšanja u jednom od ključnih indikatora razvoja turističke djelatnosti kao što su broj dolazaka turista i broj noćenja. Prema zvaničnim statističkim podacima u 2016. godini ukupno je zabilježeno 2.440 dolazaka turista i 5.595 noćenja.

Podaci o dolascima i noćenjima turista koje je ostvario Bosansko-podrinjski kanton Goražde su na izuzetno niskom nivou po broju dolazaka turista i noćenja u odnosu na ostvarene prosječne rezultate u Federaciji Bosne i Hercegovine.

Procentualno učešće Bosansko-podrinjskog kantona Goražde u broju dolazaka turista u odnosu na Federaciju BiH iznosi 0,3012%.

Procentualno učešće Bosansko-podrinjskog kantona Goražde u broju noćenja turista u odnosu na Federaciju BiH iznosi 0,3447%.

Realizacijom projekata predviđenih ovim programom stvoriće se pretpostavke za poboljšanje stanja u oblasti turističke djelatnosti Bosansko-podrinjskog kantona Goražde.

3. OPĆI I POSEBNI CILJEVI PROGRAMA

3.1. Opći (osnovni) cilj Programa

U skladu sa Programom rada Ministarstva, osnovni cilj Programa je proširenje turističke ponude aktiviranjem turističkih resursa i potencijala i uvrštavanje istih u turističku ponudu Bosansko-podrinjskog kantona Goražde, kao i izrada detaljne prostorno planske dokumentacije turističkih zona na prostoru Bosansko-podrinjskog kantona Goražde.

3.2. Posebni (specifični) ciljevi Programa

Program sadrži posebne ciljeve Programa u okviru kojih će se pružati podrška razvoju turizma na području Bosansko-podrinjskog kantona Goražde.

U skladu sa općim ciljem, posebni ciljevi Programa su:

- 1) Proširenje turističke ponude aktiviranjem turističkih resursa i potencijala i uvrštavanje istih u turističku ponudu Bosansko-podrinjskog kantona Goražde.
- 2) Izrada detaljne prostorno planske dokumentacije turističkih zona na prostoru Bosansko-podrinjskog kantona Goražde.

3.2.1. Proširenje turističke ponude aktiviranjem turističkih resursa i potencijala i uvrštavanje istih u turističku ponudu Bosansko-podrinjskog kantona Goražde.

U okviru prvog posebnog cilja obezbijedit će se sufinansiranje projekata privrednih društava registrovanih za ugostiteljstvo i turizam, kao i projekata Udruženja koja se u skladu sa svojim Statutom bave turizmom i to za projekte koji se odnose na razvoj i proširenje turističke ponude aktiviranjem turističkih resursa i potencijala i uvrštavanje istih u turističku ponudu Bosansko-podrinjskog kantona Goražde.

Prednost pri odabiru projekata imaće projekti čijom realizacijom će doći do povećanja broja dolazaka i noćenja turista na prostore Bosansko-podrinjskog kantona Goražde i unaprjeđenje turističke djelatnosti, kao i projekti koji definišu turistički proizvod sa više sadržaja čijom realizacijom će se omogućiti duže zadržavanje turista na prostoru Bosansko-podrinjskog kantona Goražde.

Privredna društva registrovana za ugostiteljstvo i turizam kao i Udruženja mogu aplicirati samo sa jednim projektom i u skladu sa procedurama predviđenim Programom.

3.2.2. Izrada detaljne prostorno planske dokumentacije turističkih zona na prostoru Bosansko-podrinjskog kantona Goražde

U okviru drugog posebnog cilja obezbijedit će se transferi lokalnim zajednicama u sastavu Bosansko-podrinjskog kantona Goražde (grad i općine) za sufinansiranje izrade detaljne prostorno planske dokumentacije turističkih zona koje su definisane Prostornim planom Bosansko-podrinjskog kantona Goražde, urbanističkim planovima lokalnih zajednica ili drugim

dokumentima kojima su određena područja definisana kao područja od značaja za razvoj turizma na prostoru lokalnih zajednica u sastavu Bosansko-podrinjskog kantona Goražde.

4. POTREBNA SREDSTVA ZA PROVOĐENJE PROGRAMA

4.1. Visina sredstava za provođenje Programa

Potrebna sredstva za provođenje Programa definisana su u Budžetu Ministarstva za privredu Bosansko-podrinjskog kantona Goražde za 2017. godinu, na ekonomskom kodu 614 100 RAZ 002-Tekući transferi drugim nivoima vlasti za razvoj turizma, u ukupnom iznosu od 80.000 KM.

Za prvi posebni cilj predviđena su sredstva u iznosu od 60.000 KM, dok je za drugi posebni cilj predviđeno 20.000 KM.

U slučaju potrebe, Ministarstvo za privredu Bosansko-podrinjskog kantona Goražde može napraviti preraspodjelu sredstava sa jedne na drugu komponentu (posebni cilj) u iznosu do maksimalno 10 procenata od iznosa komponente sa koje se sredstva prenose. Preraspodjelu ovih sredstava Ministarstvo za privredu Bosansko-podrinjskog kantona Goražde će izvršiti Odlukom ministra za privredu Bosansko-podrinjskog kantona Goražde.

5. KRITERIJI ZA RASPODJELU SREDSTAVA

5.1. Način raspodjele sredstava

Raspodjela sredstava vrši se dodjelom državne pomoći za svrhe predviđene poglavljem 3. Programa i ista može biti dodjeljena samo jednom, a u skladu sa odredbama ovog Programa.

Raspodjela sredstava vršiće se na osnovu odobrenih projekata za sredstvima u skladu sa svakim posebnim ciljem Programa. Konačnu saglasnost na spisak korisnika sredstava državne pomoći iz ovog Programa daje Vlada Bosansko-podrinjskog kantona Goražde.

Sredstva iz ovog Programa dodjeljivaće se u formi projektnog finansiranja (plaćanje unaprijed) i u formi sufinansiranja troškova (naknadno plaćanje).

5.2. Kriteriji za raspodjelu

Sredstva iz Budžeta Ministarstva za privredu Bosansko-podrinjskog kantona Goražde za 2017. godinu će se dodjeljivati korisnicima srazmjerno njihovom doprinosu ostvarivanja općeg i posebnih ciljeva i očekivanih rezultata Programa. Za ocjenjivanje doprinosa ostvarivanja ciljeva Programa primjenjivat će se dva eliminatorna kriterija i jedan kriterij za rangiranje aplikacija.

Eliminatorni kriteriji su:

1. ispunjavanje općih uslova za učestvovanje u Programu,
2. ispunjavanje posebnih uslova za učestvovanje u Programu.

Kriterij po osnovu kojeg će se rangirati korisnici sredstava je rezultat procesa apliciranja, selekcije i evaluacije projekata.

5.3. Opći uslovi za učestvovanje u Programu

U implementaciji Programa primjenjivaće se restriktivne procedure koje omogućavaju ravnopravno učestvovanje u Programu svim licima koja spadaju u jednu od sljedećih kategorija:

- a. da imaju status općine ili status grada na prostoru Bosansko-podrinjskog kantona Goražde, u skladu sa zakonom,
- b. da imaju status privrednih društava i rješenje o registraciji na prostoru Bosansko-podrinjskog kantona Goražde iz oblasti ugostiteljstva i turizma koje je izdao nadležni sudski ili upravni organ u Federaciji BiH,
- c. da imaju status Udruženja i rješenje o registraciji kod nadležnog organa u Bosansko-podrinjskom kantonu Goražde, a u skladu sa Zakonom o udruženjima i fondacijama („Službene novine Federacije BiH, broj: 45/02).

Lica koja spadaju u jednu od kategorija iz prethodnog stava obavezna su ispunjavati sljedeće opće uslove za učestvovanje u Programu:

1. Da imaju registraciju i sjedište na prostoru Bosansko-podrinjskog kantona Goražde.
2. Da imaju ugovor o otvorenom bankovnom računu i uvjerenje banke da isti nije u blokadi.
3. ID broj aplikanta (identifikacioni broj aplikanta).
4. Da nemaju neizmirenih obaveza za poreze i doprinose, osim obaveza koje su obuhvaćene ugovorom o reprogramiranju obaveza.
5. Da imaju Obavještenje o razvrstavanju pravnog lica po „Klasifikaciji djelatnosti Bosne i Hercegovine 2010”.

5.4. Posebni uslovi za učestvovanje u Programu

U implementaciji Programa, pored općih, primjenjivaće se i posebni uslovi za učestvovanje u Programu.

Posebni uslovi koji se primjenjuju za aplikante u okviru prvog posebnog cilja su:

1. Da spadaju u b. i c. kategoriju lica kojima je općim uslovima omogućeno učestvovanje u Programu.
2. Da su ispunili ugovorene obaveze i namjenski utrošili sredstva odobrena od strane Ministarstva za privredu Bosansko-podrinjskog kantona Goražde u periodu od protekle tri godine ukoliko im je takva pomoć dodjeljena.
3. Da se realizacija projekta planira u skladu sa procedurama predviđenim Programom.

U okviru prvog posebnog cilja sredstva su namjenjena privrednim društvima registrovanim za ugostiteljstvu i turističku djelatnost kao i Udruženjima koja se u skladu sa svojim Statutom bave turizmom, a koji apliciraju sa projektom razvoja i proširenja turističke ponude aktiviranjem turističkih resursa i potencijala i uvrštavanjem istih u turističku ponudu Bosansko-podrinjskog kantona Goražde.

Posebni uslovi koji se primjenjuju za aplikante u okviru drugog posebnog cilja su:

1. Da spadaju u a. kategoriju lica kojima je općim uslovima omogućeno učestvovanje u Programu.
2. Da su ispunili ugovorene obaveze i namjenski utrošili sredstva odobrena od strane Ministarstva za privredu Bosansko-podrinjskog kantona Goražde u periodu od protekle tri godine ukoliko im je takva pomoć dodjeljena.
3. Da se realizacija projekta planira u skladu sa procedurama predviđenim Programom.

U okviru drugog posebnog cilja sredstva su namjenjena lokalnim zajednicama u sastavu Bosansko-podrinjskog kantona Goražde (grad i općine) za sufinansiranje izrade detaljne prostorno planske dokumentacije turističkih zona koje su definisane Prostornim planom Bosansko-podrinjskog kantona Goražde, urbanističkim planovima lokalnih zajednica ili drugim dokumentima kojima su određena područja definisana kao područja od značaja za razvoj turizma na prostoru lokalnih zajednica u sastavu Bosansko-podrinjskog kantona Goražde.

5.5. Kandidovanje prijedloga projekata

Prijedlozi projekata dostavljaju se nakon objavljivanja javnog poziva, koji se raspisuje u skladu sa odredbama Programa.

Prijedlozi projekata se dostavljaju isključivo putem aplikacione forme za projekte, po svakom posebnom cilju.

Minimalno jedan javni poziv će se raspisati za sve posebne ciljeve Programa. Ministarstvo za privredu Bosansko-podrinjskog kantona Goražde može raspisati i javni poziv za pojedinačne komponente Programa u slučaju da se ne utroše sva sredstva planirana Programom.

Pravilno popunjavanje propisane forme omogućava da se svi aspekti prijedloga projekata objektivno selektiraju i procjene.

Svi prijedlozi prijava projekata se procjenjuju u skladu sa procedurama apliciranja, selekcije, evaluacije i rangiranja.

5.6. Procedure apliciranja, selekcije i evaluacije projekata

5.6.1. Aplikanti

Lica koja ispunjavaju opće uslove za učestvovanje u Programu i koja u formi propisanoj od strane Ministarstva za privredu Bosansko-podrinjskog kantona Goražde dostave prijedlog projekta imaju status aplikanta.

Prvi javni poziv se raspisuje po dobivanju saglasnosti na Program od strane Vlade Bosansko-podrinjskog kantona Goražde. Javni poziv minimalno sadrži sažetak svrhe općeg i posebnih ciljeva, način raspodjele i rokove za dostavljanje aplikacija.

Javni poziv se objavljuje na internet stranici Vlade Bosansko-podrinjskog kantona i u jednom ili više elektronskih medija.

5.6.2. Kandidovanje prijedloga projekata

Aplikant može kandidovati prijedlog projekta u kojem je planirano finansiranje troškova projekta iz sredstava Programa.

Aplikant može dostaviti samo jedan prijedlog projekta u okviru svakog posebnog cilja, u skladu sa procedurama predviđenim Programom.

5.6.3. Finansiranje prijedloga projekata

Ukupan budžet predloženog projekta koji aplikanti dostavljaju za finansiranje, ne može biti veći od 40.000 KM.

Minimalni i maksimalni iznos granta koji može biti zatražen za finansiranje projekta je u rasponu od 4.000 KM do maksimalno 20.000 KM.

Aplikacije pisane rukom će biti automatski odbijene.

5.6.4. Otvaranje aplikacija i administrativna provjera

Otvoranje aplikacija i administrativna provjera prijedloga projekata se provodi nakon zatvaranja javnog poziva.

Administrativna provjera se provodi u cilju utvrđivanja da li lice koje je dostavilo aplikaciju ispunjava uslove za dobivanje statusa aplikanta u skladu sa odredbama ovog Programa. Administrativnu provjeru vrši komisija Ministarstva za privredu Bosansko-podrinjskog kantona Goražde. Administrativnom provjerom se utvrđuje:

- da li je aplikacija dostavljena u roku i na način predviđen Programom,
- da li su dostavljeni svi prilozi na način predviđen Programom koji su navedeni u prilogu aplikacionih obrazaca,
- da li aplikant ispunjava opće uslove za učestvovanje u Programu,
- da li aplikant ispunjava posebne uslove za kandidovanje projekta,
- da li je aplikacija potpuna i ispravno popunjena u skladu sa propisanom formom,
- da li je aplikacija usklađena sa svrhom Programa, općim ciljem Programa, da li je zahtjevana podrška u skladu sa posebnim ciljevima Programa i da li je predloženo finansiranje u skladu sa odredbama o finansiranju.

Ukoliko su ovi uslovi ispunjeni, komisija će aplikaciju evaluirati u skladu sa odredbama Programa. U suprotnom aplikacija će i bez evaluacije biti odbijena iz administrativnih razloga.

Aplikacije pisane rukom će biti automatski odbijene.

Nakon provedene administrativne procedure, selekcije, evaluacije i ocjenjivanja projekata Ministarstvo će obavijestiti sve aplikante o rezultatima administrativne provjere.

5.6.5. Evaluacija dostavljenih prijedloga projekata

Za provođenje procesa selekcije, evaluacije i ocjenjivanja projekata Ministarstvo za privredu Bosansko-podrinjskog kantona Goražde formira komisiju. Komisija provodi evaluaciju dostavljenih prijedloga projekata nakon provedene administrativne provjere.

Komisija sve dostavljene aplikacije razmatra i evaluira u periodu od maksimalno 30 dana od završetka administrativne provjere.

U evaluaciji projekata komisija primjenjuje pet grupa indikatora i to:

- Finansijski i operativni kapaciteti aplikanta
- Relevantnost
- Metodologija
- Održivost
- Budžet i troškovna efikasnost

5.6.6. Ocjenjivanje aplikacija

Evaluacija aplikacija se provodi na osnovu skale za evaluaciju. Evaluacijski kriteriji su podjeljeni u okviru grupa i podgrupa. Za svaku podgrupu komisija daje ocjenu između 1 i 5 prema slijedećim kategorijama procjena:

- 1 - veoma slabo;
- 2 - slabo;
- 3 - adekvatno;
- 4 - dobro;
- 5 - veoma dobro.

Svaka ocjena se množi sa koeficijentom koji je za svaki indikator predviđen u evaluacijskoj skali. Maksimalan broj bodova za projekat iznosi 100.

Projekti koji imaju manje od 70 bodovase odbacuju u prvom krugu selekcije. Ukoliko je ukupan rezultat u poglavlju **relevantnost** manji od 15 aplikacija se odbija, bez obzira na dobiven ukupan maksimalan broj bodova. Ukoliko je ukupan rezultat u poglavlju **budžet i troškovna efikasnost** manji od 15 aplikacija se odbija, bez obzira na dobiven ukupan maksimalan broj bodova.

Komisija će procjenjivati vrijednost indikatora. Prilikom određivanja vrijednosti indikatora komisija će se pridržavati prioriteta, finansijskih kriterija i načina rangiranja koji su propisani Programom. Svi članovi komisije dodjeljuju ocjene, a ukupan broj bodova se dobija kada se ocjene dobivene od svih članova komisije podjeli sa brojem članova komisije.

5.6.7. Skala za evaluaciju

INDIKATOR	SKALA
	Projekti
1. Finansijski i operativni kapaciteti aplikanta	10
1.1. Procjenjeni nivo iskustva aplikanta u upravljanju projektom?	5
1.2. Procjenjeni nivo tehničkog i stručnog znanje i iskustva neophodnog za implementaciju projekata?	5
2. Relevantnost	25
2.1. Koliko je aplikacija relevantna za svrhu, opšti i posebne ciljeve Programa?	5
2.2. Koliko je aplikacija relevantna za prioritetne aktivnosti u okviru svakog specifičnog cilja?	5x2
2.3. Koliko je aplikacija relevantna za očekivane rezultate programa?	5x2
3. Metodologija	10
3.1. Da li su aktivnosti u prijedlogu projekta odgovarajuće i konzistentne sa ciljevima i očekivanim rezultatima projekta?	5
3.2. Koliko je koherentan dizajn projekta, konkretna analiza problema, da li su predložene aktivnosti odgovarajuće za rješavanje prezentiranog problema, te da li su na zadovoljavajući način planirani raspoloživi resursi aplikanta a koji mogu doprinijeti rješavanju problema?	5
4. Održivost	25
4.1. Da li će mjere podrške programa značajnije doprinijeti rješavanju problema koji je naveden u prijedlogu projekta?	5
4.2. Da li predložene aktivnosti mogu imati pozitivne multiplikativne efekte na razvoj turizma u Bosansko-podrinjskom kantonu Goražde?	5x2
4.3. Da li su očekivani rezultati aktivnosti za koje se traži finansiranje održivi u finansijskom smislu i da li će se ostvarivati i nakon prestanka finansiranja iz programa, u periodu od minimalno tri godine?	5x2
5. Budžet i troškovna efikasnost	30
5.1. Da li je odnos između planiranih troškova i očekivanih rezultata zadovoljavajući?	5x2
5.2. Da li je visina predloženih troškova adekvatna za implementaciju planiranih aktivnosti?	5x2
5.3. Da li su predloženi troškovi aktivnosti obrazloženi na način da dokazuju da će sredstva programa biti iskorištena na efikasan i ekonomičan način?	5x2
MAKSIMALAN BROJ BODOVA	100

5.6.8. Procedure odobravanja prijedloga projekata

Projekte koji su u procesu evaluacije dobili više od 70 bodova, komisija rangira po broju osvojenih bodova.

U procesu odobravanja, Komisija može uvidom na terenu provjeriti stanje u pogledu usklađenosti stvarnog stanja sa stanjem navedenim u prijedlogu projekta.

Nakon provedenog rangiranja odobravaju se svi najbolje rangirani projekti do visine raspoloživih sredstava koja su Programom definisana za svaki poseban cilj. Svi najbolje rangirani projekti za koje postoje raspoloživa sredstva imaju status odobrenih projekata.

Prijedlozi projekata koji imaju više od 70 bodova, ali za čije finansiranje nema raspoloživih sredstava stavljaju se na listu čekanja u slučaju obezbjeđenja dodatnih sredstava za Program ili donošenja odluke o preraspodjeli sredstava u skladu sa odredbama Programa. U suprotnom prijedlog projekta se odbija.

Nakon provedenog rangiranja, Komisija predlaže odobravanje prijedloga projekta u punom ili umanjenom iznosu u zavisnosti od rezultata procesa evaluacije i iste dostavlja ministru za privredu Bosansko-podrinjskog kantona Goražde.

Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde da donese Odluku o odobravanju prijedloga projekata koji će se finansirati sredstvima iz budžeta Ministarstvo za privredu Bosansko-podrinjskog kantona Goražde – ekonomski kod 614 100 RAZ 002 – Tekući transferi drugim nivoima vlasti za razvoj turizma.

Istovremeno sa prijedlogom Odluke o odobravanju prijedloga projekata, Vladi Bosansko-podrinjskog kantona Goražde se dostavljaju prijedlozi projekata i nacrt ugovora o finansiranju odobrenih projekata.

Ukoliko se Odlukom Vlade Bosansko-podrinjskog kantona Goražde o davanju saglasnosti na spisak korisnika odobrava iznos granta veći od 10.000 KM, prije potpisivanja Ugovora, nacrt Ugovora dostavlja se Kantonalnom pravobraniocu na Mišljenje.

U slučaju da je planirano finansiranje projekta iz Programa veće od 6.000 KM i manje od 50.000 KM, uz nacrt Ugovora podnosi se i Prijedlog Zaključka Vlade Bosansko-podrinjskog kantona Goražde o davanju saglasnosti Ministru za privredu Bosansko-podrinjskog kantona Goražde za potpisivanje Ugovora.

Nakon prihvatanja prijedloga Odluke od strane Vlade Bosansko-podrinjskog kantona Goražde i pribavljenog Mišljenja kantonalnog pravobranilaštva na Nacrt Ugovora, pristupa se potpisivanju Ugovora za finansiranje projekata o čemu se aplikanti pismeno obavještavaju.

Ugovorom se definiše način implementacije projekta, vrijeme implementacije, obaveze korisnika sredstava i Ministarstva za privredu Bosansko-podrinjskog kantona Goražde i način obezbjeđenja instrumenata za namjenski utrošak sredstava.

Nakon potpisivanja Ugovora i obezbjeđenja instrumenata za namjenski utrošak sredstava, Ministarstvo za privredu Bosansko-podrinjskog kantona Goražde dostavlja zahtjev Ministarstvu za finansije Bosansko-podrinjskog kantona Goražde da izvrši isplatu sredstava iz budžeta Ministarstva za privredu Bosansko-podrinjskog kantona Goražde, sa ekonomskog kod 614 100 RAZ 002 – Tekući transferi drugim nivoima vlasti za razvoj turizma.

6. KORISNICI SREDSTAVA

Korisnici sredstava su lica koja ispunjavaju opće i posebne uslove Programa i koji su uspješno završili proces apliciranja, selekcije i evaluacije i koji su uspješno rangirani za korištenje sredstava iz ovog Programa.

Ministarstvo za privredu Bosansko-podrinjskog kantona Goražde vodi registar korisnika u kojem se nalaze svi relevantni podaci o datoj državnoj pomoći u okviru ovog Programa za period od pet godina od godine dobijanja državne pomoći.

Korisnici sredstava predviđenih Programom su općine u sastavu Bosansko-podrinjskog kantona Goražde, Grad Goražde te privredna društva registrovana za ugostiteljstvo i turizam i Udruženja koja se bave turizmom.

6.1. Prioritetne aktivnosti

Prioritetne aktivnosti i mjere su definisane zasebno za svaki posebni cilj.

6.2. Prioritetna područja

Programom su predviđena prioritetna područja i to:

- Proširenje turističke ponude aktiviranjem turističkih resursa i potencijala i uvrštavanje istih u turističku ponudu Bosansko-podrinjskog kantona Goražde
- Izrada detaljne prostorno planske dokumentacije turističkih zona na prostoru Bosansko-podrinjskog kantona Goražde

6.3. Finansijski kriteriji

Finansijski kriteriji se primjenju za ocjenu budžeta i troškovne efikasnosti predloženih aktivnosti. Finansijski kriteriji primjenjivaće se u skladu sa procedurama predviđenim programom, a ministar za privredu Bosansko-podrinjskog kantona Goražde će donijeti Pravilnik za otvaranje aplikacija i administrativnu provjeru, selekciju, evaluaciju, ocjenjivanje prijave - projekata i prijedlog visine državne pomoći po „Programu razvoju turizma u Bosansko-podrinjskom kantonu Goražde za 2017. godinu“.

6.4. Način rangiranja

Prilikom ocjenjivanja finansijskih i operativnih kapaciteta prednost će se dati aplikantima koji redovno izmiruju obaveze prema porezima i doprinosima u odnosu na aplikante koji imaju reprogram duga i aplikantima koji su duži vremenski period aktivni na području kantona.

Prilikom ocjenjivanja relevantnosti projekta prednost će se davati projektima koji su predviđeni Programom, a komisija će voditi računa da odobreni projekti omogućе ispunjavanje svih očekivanih rezultata Programa.

Prednost će se dati aplikacijama koje imaju za cilj realizaciju prioritetnih aktivnosti i mjera predviđenih ovim Programom. Posebna pažnja će biti data aplikacijama koje doprinose ostvarivanju više prioritetnih aktivnosti i mjera predviđenih Programom.

Prednost u pružanju podrške će se dati projektima koji omogućavaju ostvarivanje većih rezultata koji su predviđeni ovim Programom.

Prilikom ocjenjivanja metodologije ocjenjivat će se metode i predloženi način realizacije aktivnosti. Aplikacije koje imaju bolje razrađenu metodologiju i koherentniji plan implementacije projekta će imati prednost pri rangiranju.

Prilikom ocjenjivanja održivosti projekta, prednost imaju aplikacije koje na sveobuhvatniji način rješavaju problem i omogućavaju ostvarivanje rezultata, koje provode aktivnosti koje su bolje povezane sa potrebama turizma i koje mogu dugoročno osigurati nastavak aktivnosti i nakon završetka projekta.

Prilikom ocjenjivanja budžeta i troškovne efikasnosti prednost će se dati aplikacijama koje bolje ispunjavaju finansijske kriterije Programa.

7. POTREBAN BROJ RADNIKA ZA PROVOĐENJE PROGRAMA I MONITORING

7.1. Potreban broj radnika za provođenje Programa

Za provođenje Programa su nadležni zaposleni u Ministarstvu za privredu Bosansko-podrinjskog kantona Goražde i Program ne zahtijeva angažovanje dodatnih radnika na provođenju Programa.

7.2. Monitoring implementacije i provođenja Programa

Monitoring se provodi sa ciljem utvrđivanja da li se implementacija podržanih aktivnosti provodi u skladu sa potpisanim ugovorima i u skladu sa odredbama ovog Programa. U cilju osiguranja procjene rezultata odabrani korisnici su dužni nakon i u toku utroška odobrenih sredstava dostaviti Ministarstvu za privredu Bosansko-podrinjskog kantona Goražde izvještaj o provedenim aktivnostima koje su odobrene za finansiranje iz Programa.

Nadzor realizacije Programa utroška sredstava sa ekonomskog koda 614 100 RAZ 002– Tekući transferi drugim nivoima vlasti za razvoj turizma vrši komisija Ministarstva za privredu Bosansko-podrinjskog kantona Goražde.

Mjerenje rezultata i provedenih aktivnosti će se vršiti na osnovu periodičnog monitoringa implementacije projekta sačinjavanjem zapisnika uz koji će biti sva neophodna dokumentacija kojom se dokazuje implementacija namjenskog utroška dodijeljenih sredstava.

U slučaju da rezultati monitoringa ukažu na zaostatak u ispunjavanju ugovorenih obaveza, Ministarstvo predlaže Vladi donošenje odluke o povratu dodijeljene državne pomoći.

8. PROCJENA REZULTATA

Aplikanti su dužni u prijedlogu projekta navesti specifične rezultate koji su direktno povezani sa očekivanim rezultatima ovog Programa i moraju biti mjerljivi i jasno vremenski određeni.

Očekivani rezultati „Programa razvoja turizma u Bosansko-podrinjskom kantonu Goražde za 2017.godinu“ su:

- proširena i poboljšana turistička ponuda aktiviranjem turističkih resursa i potencijala i uvrštavanje istih u turističku ponudu Bosansko-podrinjskog kantona Goražde ,

- Izrađena detaljna prostorno planska dokumentacija turističkih zona na prostoru Bosansko-podrinjskog kantona Goražde.

Sve aplikacije koje se podnose za finansiranje iz sredstava Programa će biti procjenjivane u odnosu na njihove očekivane rezultate. Očekivani rezultati prijedloga projekata se procjenjuju u odnosu na očekivane rezultate Programa.

Očekivani rezultati koji su predloženi u prijedlogu projekta će se koristiti za ocjenu kvaliteta prijedloga projekta i njegovog doprinosa ostvarivanju ciljeva Programa, a takođe će biti kriterij za ocjenu namjenskog utroška sredstava i ispunjavanja ugovorenih obaveza po odobrenim grantovima Ministarstva za privredu Bosansko-podrinjskog kantona Goražde.

Mjerenje rezultata aktivnosti će se vršiti na osnovu rezultata monitoringa implementacije i rezultata obilaskom korisnika na terenu i na osnovu pismenih izvještaja korisnika sredstava.

Krajnji rok za realizaciju podržanih projekata i pravdanje namjenskog utroška sredstava je 31.05.2018.godine.

U cilju osiguranja procjene rezultata Programa, odabrani korisnici koji su dobili podršku dužni su nakon utroška odobrenih sredstava dostaviti Ministarstvu za privredu Bosansko-podrinjskog kantona Goražde Izvještaj o provedenim aktivnostima koje su odobrene za finansiranje iz Programa. Odabrani korisnici dužni su dostavljati jedan izvještaj na kraju i jedan na polovini perioda implementacije projekta. Forma i sadržaj Izvještaja o utrošku sredstava će biti dostavljena svim korisnicima sredstava.

Očekivani rezultati Programa su u skladu sa zacrtanim ciljevima iz Programa rada Vlade Bosansko-podrinjskog kantona Goražde za 2017. godinu i Strategije razvoja turizma Bosansko-podrinjskog kantona Goražde 2016-2020. godine.

9. PROCJENA NEPREDVIĐENIH RASHODA I RIZIKA

9.1.Nepredviđeni rashodi

Kako bi se smanjili nepredviđeni rashodi unutar sheme podsticaja uvedeni su strogi finansijski kriteriji koji ograničavaju obim ostvarivanja podsticaja. Dodatno obezbjeđenje za nepredviđene rashode je uvedeno kroz minimalne/ maksimalne vrijednosti izdataka za svaki poseban cilj čime je Program dodatno zaštićen od nepredviđenih rashoda.

Nepredviđeni rashodi mogu se pojaviti u slučaju povećane potražnje za podsticajnim mjerama obzirom da, zbog nedostatka novčanih sredstava u budžetu Ministarstva za privredu Bosansko-podrinjskog kantona Goražde nisu planirana dovoljna sredstva za ove namjene.

9.2.Rizici

Kako bi se smanjili rizici u procesu implementacije Programa uvedene su novine i u procesu selekcije i u monitoringu aktivnosti koje su podržane u okviru ovog Programa. Novine se odnose u omogućavanju službenicima terenske posjete i prikupljanju dodatnih informacija

neophodnih za proces selekcije, te monitoring u toku same implementacije aktivnosti i mjera koje su podržane ovim Programom.

Aplikanti su dužni planirati odgovarajuće mjere koje će poduzeti u slučaju ostvarivanja rizika koji mogu uticati na ostvarivanje ciljeva i rezultata koji su predviđeni u aktivnostima i mjerama za koje su dobili podršku iz ovog Programa, a dodatno obezbjeđenje od rizika neimplementacije projekta korisnika državne pomoći je uzimanje mjenice sa mjeničnim ovlaštenjem.

Broj: 04-14-1005/17
Goražde, 06.07.2017.godine

MINISTAR

Anes Salman